



Pab Koj Tus Menyuam Ua Ntuab Ntawv Thov Nyiaj Pab Kawm Ntawv: FAFSA

Helping Your Child Apply for Financial Aid: FAFSA

Nyiaj pab menyuam kawm ntawv yog dabtsi?

Txhua lub xyoo tseemfwv muab txog lab nyiaj los pab rau cov menyuam kawm ntawv qib siab. Qhov kev pab no tej zaum yog nyiaj pub, nyiaj txais lossis nyiaj haujlwm-kawm ntawv.

- Hom **nyiaj pub (grant)** yog nyiaj uas koj tsis tas them rov qab.
- Hom **nyiaj txais (loan)** yog nyiaj uas koj yuav tau them rov qab tom qab koj kawm tiav lossis tsis kawm ntawv lawm. Muaj tej hom nyiaj txais uas koj yuav tau them thaum koj tseem kawm ntawv.
- Hom **nyiaj haujlwm- kawm ntawv (work-study)** yog cov nyiaj pabcuam menyuam kawm ntawv ua cov haujlwm pom zoo los ntawm lub tsev kawm ntawv uas lawv mus.

Feeem ntau cov tsev kawm ntawv hauv lub xeev thiab tsev kawm qib siab kuj muaj kev pabcuam los pab kom cov menyuam kawm ntawv muaj feem tau nyiaj txaus mus kawm tiav qib siab. Yuav kom tau txais nyiaj pab kawm ntawv, koj yuav tau ua daim ntawv hu ua "Free Application for Federal Student Aid" (FAFSA). Daim ntawv no nug txog cov nyiaj uas khvw tau los ntawm leej niam txiv (nrog rau niam txiv tshiab) thiab ntawm cov menyuam kawm ntawv.



Daim ntawv FAFSA mus nrhiav tau ntawm <https://studentaid.gov/h/apply-for-aid/fafsa>. Koj muaj feem sau hauv online lossis luam tawm sau ces muab xa mus. Yog koj yuavtsum tau ib daig uas tsis tau sau xa tuaj rau koj ces hu rau 1-800-4-FED-AID (1-800-433-3243. Yog koj tsis hnov lus zoo, tiv tau TTY ntawm 1-800-730-8913.

CIM CIA: Daim ntawv FAFSA yog ua dawb xwb. Ceevfaj tej lub vassab uas tias muaj daim FAFSA thov thiab sau nqi. Lawv feem ntau yuav yog cov vassab muaj qhov .com sites. Saib kom zoo tias lub vassab qhov chaw nyob yog lub tseem!

Leejtwj muaj feem tau federal student aid, tseem fwv nyiaj pab menyuam kawm ntawv?

Yuav kom tau tseemfwv nyiaj pab menyuam kawm ntawv mas tus menyuam kawm ntawv yuavtsum muaj tej yam xws li nram qab no. Feeem ntau, tus menyuam kawm ntawv yuavtsum:

- Yog xam xaj U.S. lossis yog cov muaj feem uas tsis yog xam-xaj
- Muaj tus zauv tseem Social Security
- Cuv npe nrog qhov kev kawm tub rog Selective Service yog tias yog tub thiab muaj 18-25 xyoos. Mus rau www.sss.gov kom paub ntawv ntxiv.
- Muaj daim ntawv povthawj kawm ntawv theem ob lossis tiav GED lossis xeem dhau daim xeem uas tau kev pom zoo los ntawm lub Department of Education
- Muaj npe kawm lossis raug txais kawm ntawv ua ib tug menuam kawm ntawv mus rau kev lav ntawv lossis mus rau kev lav ib daig povthawj nyob rau lub tsev kawm ntawv uas koom nrog qhov kev pabcuam Federal Student Aid.

Tejzaum kuj muaj lwm yam tau ua raws thiab. Yog xav paub ntxiv, tiv tauj tus kws saib xyuas menuam kev kawm hauv koj tus menuam lub tsev kawm ntawv theem ob (high school) lossis chav khiav dejnum saib xyuas nyiaj pab kawm ntawv hauv cov tsev kawm ntawv qib siab uas koj tus menuam xav mus kawm.

CIM CIA: Menyuam kawm ntawv muaj feem plam lawv cov nyiaj pab kawm ntawv yog tias lawv txhaum ib lub txim muaj yeeb tshuaj uas tshwmsim thaum lawv tseem tau txais nyiaj pab kawm ntawv. Yog koj tus menuam raug ntes vim kev txhaum siv yeeb tshuaj, saib kom zoo tias lawv tham nrog ib tug kws lijchoj txog lawv qhov xwm txheej kawm ntawv.

Kuv tus menuam twb muaj hnub nyoog lawm, vim licas kuv tseem tau yog ib feem ntawm qhov txheej txheem no?

Student Aid Kev Pab Menyuam Kawm Ntawv yog muab raws kev toobkas nyiaj txiag. Tseemfwv hais tias txhua tus menuam kawm ntawv yog neeg tseem vam txog niam txiv kev pab kom txog hnub nyoog 24 xyoos. Vim txoj cai no, lub Department of Education yuavtsum toobkas cov ntaub ntawv txog nyiaj khwv tau los ntawm niam txiv rau txhua tus menuam kawm ntawv uas tsis tau muaj 24 xyoos kom lawv txiav txim seb puas tsim nyog tau nyiaj pab kawm ntawv.



Muaj tej yam uas hla tau “txoj cai hnub nyoog 24 xyoos.” Pivtxwv tias, ib tug menuam kawm ntawv yog tau nws tus kheej yog tias:

- tus menuam kawm ntawv yog qub tub rog lossis tabtom khiav dejnum rau U.S. Armed Forces
- tus menuam kawm ntawv muaj txwj nkawm lawm

- tus menuam kawm ntawv tau mus nrog niam txiv qhuav nyob tom qab hnub nyoog 13 xyoos, lossis niam thiab txiv ob leeg tau tag sim neej tom qab tus menuam kawm ntawv muaj 13 xyoos
- tus menuam kawm ntawv tabtom kawm daim ntawv povthawj tiav Master lossis daim Doctorate
- tus menuam kawm ntawv muaj menuam lossis muaj neeg tu ua tau ib nrab feem ntawm tus menuam kawm ntawv cov nyiaj
- tus menuam kawm ntawv tau raug txiav txim los ntawm tsev hais plaub ua tus menuam tau kev ywj siab
- Tus menuam kawm ntawv yog neeg tsis muaj vajtse nyob lossis muaj feem poob vajtse. Qhov no yuavtsum muaj sau tseg los ntawm lub tsev nkaum (shelter), chaw hloov nyob ib ntus lossis lub tsev kawm ntawv tus pab saib xyuas neeg tsis muaj vajtse nyob.

Yog muaj lus nug txog qhov kev vam txog lwm tus ces tiv tauj tus kws tswj ntaub ntawv pab nyiaj kawm ntawv.

Yog kuv tus menuam tsis nrog kuv nyob ne?

FAFSA tswj kom muaj ntaub ntawv txog leej niam txiv cov nyiaj txiag tshwj tias tus menuam muaj raws li cov lus hla uas sau saud los. Qhov no yeej muaj tseeb txawm tias tus menuam tsis nrog leej niam txiv nyob. Yog koj tsis kam muab tej ntaub ntawv no, koj tus menuam muaj feem yuav tsis tau txais nyiaj pab kawm ntawv uas nws muaj feem txais.



CIM CIA: Cov neeg uas raug lawv cov cai ua menuam niam thiab txiv tshem tawm lawm yuav tsis xam tias yog tus menuam leej niam txiv rau cov ntaub ntawv FAFSA.

Kuv cov ntaub ntawv yuav raug siv licas?

Cov ntaub ntawv txog nyiaj txiag raug siv los xam seb yuav muab ntau licas thiab hom kev pab twg yuav muab rau tus menuam kawm ntawv. Thaum koj xee npe rau daim ntawv, koj pom zoo cia tseevmfwv taug saib cov ntaub ntawv uas koj qhia ntawd. Lawv yuav taug saib koj cov ntaub ntawv se tau rov qab.

Cov nyiaj pab kawm ntawv faib licas?

Lub Department of Education (DOE) saib cov ntaub ntawv nyiaj txiag ntawm daim FAFSA thiab ua ib daim Student Aid Report (SAR). Daim SAR qhia txog cov nyiaj uas lub DOE xav tias tus menuam kawm ntawv thiab tsev neeg yuavtsum muaj feem them tau li cas rau tus nqi kawm ntawv. Tus nqi no yog hu ua Estimated Family Contribution (EFC) Kws yees Tsev Neeg Pab tau Li

cas. Txhua lub tsev kawm ntawv qib siab siv tus EFC los txiav txim tias yuav muab nyiaj pab kawm ntawv ntau licas rau txhua tus menuam kawm ntawv. Tus EFC tsis yuam kom niam txiv them nqi kawm ntawv qib siab.

Yog kuv sau daim FAFSA kuv puas yuav tau pab kuv tus menuam them nyiaj kawm ntawv?

Tsis tau. Qhov FAFSA pab cov tsev kawm ntawv qib siab xam seb yuav pab nyiaj licas rau koj tus menuam. Yog tias koj tus menuam cuv npe txais nyiaj los kawm ntawv, lub tuam txhab nyiaj yuav tswj kom ib tug laus tuaj koom xee npe ua ntej mam li kam txais nyiaj kawm ntawv. Kev kam xee npe qhia tias, koj pom zoo rov them cov nyiaj txais ntawd yog koj tus menuam tsis them. Qhov no yog ib qho sab nraud tsis muaj feem ntawm qhov FAFSA. Kev xee npe rau FAFSA, **tsis yog** kev tso cai txais nyiaj lossis txais nuj nqis rau koj lub npe.



Yog xav paub ntxiv

- U.S. Department of Education ntawm www.ed.gov
- Hu rau 1-800-4 FED AID (1-800-433-3243)
- Tiv tauj lub chaw ua ntaub ntawv rau kev pab nyiaj kawm ntawv hauv koj tus menuam lub tsev kawm ntawv.
- Tiv tauj ib tug saib xyuas kev kawm ntawv hauv Lub Tsev Kawm Ntawv Theem Ob (High School)

Cov ntawv Qhia Tseeb yog qhia kom paub txoj kevciai xwb TSIS yog muab txwv yim txog txoj kevciai. Mus ntsib ib tug kws lij choj rau tsww yim. Tsis txhob siv daim ntawv qhia tseeb yog tias nws qub tshaj ib xyoos lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.

© 2023 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagnrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.